

也 上曰卿言甚是大臣率百官進往則彼豈以予為不知乎○戊申辰時
上幸慕華館迎勅還至崇政殿庭行宣勅禮仍接見勅使于正殿請行茶禮辭
不受○己酉 上引見戶曹判書許積于興政堂領議政鄭太和亦入侍 上
曰通官輩欲提起李領府事及金秋立事云不無憂慮矣積曰李領府事一番
言之更不提起秋立之事亦似非勅使所知必是通官輩操縱之計况秋立適
遇清國領敕蒙放還家設令提起答之何難 上曰今聞卿言稍可寬心也
三月庚戌朔艮方有霧氣如火光○丁巳領議政鄭太和引疾呈單 不允批
答○以鄭維城為內醫都提調李萬雄為黃海監司○辛酉四方昏蒙若下塵
者三日○甲子執義鄭之欽掌令尹飛卿持平鄭重徽引避略曰伏聞大臣以
進香副使李正英乘醉杖人東萊府使鄭泰齊住眷傍邑而臺官不即論啓為
非此兩事或由於有所遲待或出於全未聞知而不言之罪臣等固有之並退
待獻納吳斗寅正言呂聖齊鄭鎰相繼引避退待副校理吳始壽等處置請出
從之之欽等呈告不出○掌令宋時詰還自省墓追後引避退待副提學俞
榮等處置略曰泰齊之住眷密陽在於時詰莅密之時則宜無不知之理而身
居臺閣尚今緘默難免其失請遞 從之○己巳以睦蕪善為執義金禹錫閔